



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

VIII. Quod si vir & vxor per carnis commixtionem vna caro non sint effecti,
potest aliter sine altero conuerti, & alter in saeculo remanere.

urn:nbn:de:hbz:466:1-15588

uerit, cogendus est ab ea discedere, & ad ecclesiam, cui se contulerat, debet sine contradictione transire. Quod si habitum suscepit, & non professionem fecit, sed solum votum emisit, & se ad religionem transire promisit, licet postmodum matrimonium contraxerit, non est ab ecclesia cogendus ad monasterium transire, & matrimonii vota rescindere.

CAP. VI. *Item Strigonensi & Colonensi archiepiscopo.*

Coniugatus in monasterium conuerti desiderans, suscipi prohibetur, nisi vxor illius similiter conuertatur. Nam dum vnum utrumque corpus post coniugii copulationem sit factum: incongruum est, partem conuerti, & partem in saeculo remanere. Nec recipitur illius viri apud Deum conuersio, cuius sequitur coniugalis foederis prostitutio. Cum igitur senatus S. clericorum longe praemineat coetui monachorum, ita ut aliquando bonus monachus vix bonum clericum faciat: nullus coniugatorum est ad sacros ordines promouendus, nisi ab vxore continentiam profiente fuerit absolutus, ut fiat deinceps de carnali copula spirituale coniugium.

CAP. VII. *Idem eidem.*

Sane si coniugati consenserint ordinari, etiam vxoris voluntas prius requirenda est, ut sequestrato mansione cubiculo, religione promissa, postquam pariter conuersi fuerint, ordinentur. Quod si in quibuslibet ecclesiasticis gradibus prouidenter scienterque curandum est, ut in domo Dei nihil sit inordinatum, nihilque praeposterum: multo magis laborandum, ut in eius promotione qui supra gradus omnes continetur, non erretur. Inde est, quod fraternitati tuae apostolica auctoritate prohibemus, ne vxoratum in episcopum presumatis ordinare, nisi prius vxor continentiam professâ, sacrum velamen sibi imponat, & religioni congruam vestem assumat. Nolumus etiam ut viri promotio vxori relicta in saeculo fieri possit perditio-
Dicit. &c.
Miratur. nis occasio.

CAP. VIII. *Idem Brixieni episcopo.*

Ex publico instrumento, quod nobis est presentatum,

&

ANNO
CHRISTI
1179. & ex tenore literarum tuarum nobis innotuit, quod cum venerabilis frater noster Veronensis episcopus de mandato nostro causam matrimonii, quæ inter Matthæum virum & Agolechen mulierem vertebatur, suscepisset fine debito terminandam, auditis viriusque rationibus & allegationibus, inter eos iudicati sententia matrimonium approbavit, & eidem mulieri præcepit, ut ad virum suum rediret, & exhiberet coniugalem affectum. Verum cum eadem mulier ad eum iuxta sententiam prædicti episcopi egredi nollet, de mandato nostro, sicut accepimus, fuit vinculis excommunicationis adstricata. Ceterum quia præfata mulier, licet a præfato viro desponsata fuerit, adhuc tamen, sicut ipsa afferit, ab ipso est incognita, fraternitati tuae per A. S. præsentibus mandamus, quatenus si supradictus vir mulierem ipsam carnaliter non cognovit, & eadem mulier, sicut ex parte sua nobis proponitur, ad religionem transire voluerit, recepta ab ea sufficienti cautione, quod vel ad religionem transire, vel ad virum suum redire infra duorum mensium spatum debeat, ipsam, contradictione & appellatione cessante, a sententia qua tenetur, absoluas: ita quod si ad religionem transire maluerit, uterque restituat alteri, si qua alter ab altero habuit: & vir ipse, ea religionis habitum assumente, ad alia vota licentiam habeat transeundi. Sane quod Dominus in euangelio dicit: *Non licet viro uxorem suam, nisi causa fornicationis, dimittere:* intelligendum est, secundum interpretationem sacri eloquii, de his, quorum matrimonium est carnali copula consummatum, sine qua matrimonium consummari non potest; & ideo si prædicta mulier non fuerit a viro suo cognita, licitum est ei ad religionem transire.

CAP. IX.

Idem priori G. & fratribus iuxta disciplinam bonæ memoriae electi viuentibus.

Vxoratus autem sine licentia propriæ vxoris inter vos nullatenus recipiatur: quæ si integræ famæ & opinionis ita existat, quod nulla merito suspicio habeatur eam ad secunda vota migrare velle, vel quod minus continenter debeat viuere: quod si, prout dictum est, talis extiterit, marito eius in consortio vestro recepto, ipsa publice in

Concil. Tom. 27.

Vuu

Matth. 5.
G. 19.

Non du-
biuum.

27. q. 2.